



BOSNIA AND HERCEGOVINA  
MINISTRY OF FINANCE  
AND TREASURY

CENTRALNA/SREDIŠNJA HARMONIZACIJSKA JEDINICA  
ЦЕНТРАЛНА ХАРМОНИЗАЦИЈСКА ЈЕДИНИЦА

Broj: 03-1-16-8-429-1/23  
Sarajevo, 20.12.2023. godine

Na osnovu člana 61. stav (2) Zakona o upravi („Službeni glasnik BiH“, broj: 32/02, 102/09 i 72/17), člana 33b. stav (2) i 33f. stav (2) tačka f) i h) Zakona o finansiranju institucija Bosne i Hercegovine („Službeni glasnik BiH“, broj: 61/04, 49/09, 42/12, 87/12, 32/13 i 38/22) i člana 3. Pravilnika o godišnjem izvještavanju o sistemu finansijskog upravljanja i kontrole u institucijama Bosne i Hercegovine („Službeni glasnik BiH“, broj: 77/15), direktor Centralne harmonizacijske jedinice Ministarstva finansija i trezora Bosne i Hercegovine d o n o s i

**ODLUKU**

**o objavljivanju forme i sadržaja Godišnjeg izvještaja o sistemu finansijskog upravljanja i kontrole u institucijama Bosne i Hercegovine za 2023. godinu s Uputstvom za izradu Godišnjeg izvještaja za 2023. godinu**

**Član 1.**  
**(Predmet Odluke)**

Centralna harmonizacijska jedinica Ministarstva finansija i trezora Bosne i Hercegovine objavljuje formu i sadržaj Godišnjeg izvještaja o sistemu finansijskog upravljanja i kontrole u institucijama Bosne i Hercegovine za 2023. godinu sa Uputstvom za izradu Godišnjeg izvještaja za 2023. godinu.

**Član 2.**  
**(Primjena)**

- (1) Godišnji izvještaj o sistemu finansijskog upravljanja i kontrole u institucijama Bosne i Hercegovine za 2023. godinu sačinjava se popunjavanjem obrasca Upitnika za samoprocjenu sistema finansijskog upravljanja i kontrole za 2023. godinu.
- (2) Uputstvo za izradu Godišnjeg izvještaja za 2023. godinu sastavni je dio obrasca Upitnika za samoprocjenu sistema finansijskog upravljanja i kontrole.
- (3) Obrazac Upitnika za samoprocjenu sistema finansijskog upravljanja i kontrole u institucijama Bosne i Hercegovine za 2023. godinu zajedno sa Uputstvom za izradu Godišnjeg izvještaja za 2023. godinu dostupan je u Modulu FUK Aplikacije za praćenje, upravljanje i izvještavanje o sistemu finansijskog upravljanja i kontrole i interne revizije u institucijama Bosne i Hercegovine (u daljnjem tekstu: PIFC aplikacija) i na internet stranici Ministarstva finansija i trezora Bosne i Hercegovine u dijelu koji se odnosi na Centralnu harmonizacijsku jedinicu Ministarstva finansija i trezora Bosne i Hercegovine.
- (4) Godišnji izvještaj o sistemu finansijskog upravljanja i kontrole u institucijama Bosne i Hercegovine za 2023. godinu sadrži i Izvještaj o realizaciji mjera iz Operativnog godišnjeg

akcionog plana Strategije razvoja sistema internih finansijskih kontrola u institucijama Bosne i Hercegovine za 2023. godinu.

- (5) Godišnji izvještaj o sistemu finansijskog upravljanja i kontrole u institucijama Bosne i Hercegovine za 2023. godinu popunjava se u cjelosti.
- (6) Sve institucije Bosne i Hercegovine dužne su godišnje izvještaje o sistemu finansijskog upravljanja i kontrole dostaviti Centralnoj harmonizacijskoj jedinici Ministarstva finansija i trezora Bosne i Hercegovine do 15. februara 2024. godine.
- (7) Izvještaji koji budu dostavljeni nakon propisanog roka, ili ne budu popunjeni u cjelosti, neće biti uzeti u razmatranje prilikom izrade Konsolidiranog godišnjeg izvještaja o sistemu finansijskog upravljanja i kontrole u institucijama BiH za 2023. godinu.
- (8) Na osnovu godišnjih izvještaja o sistemu finansijskog upravljanja i kontrole u institucijama Bosne i Hercegovine, Centralna harmonizacijska jedinica Ministarstva finansija i trezora Bosne i Hercegovine sačinjava Konsolidirani godišnji izvještaj o sistemu finansijskog upravljanja i kontrole za 2023. godinu, koji dostavlja Vijeću ministara Bosne i Hercegovine najkasnije do 31. marta 2024. godine putem Ministarstva finansija i trezora Bosne i Hercegovine.

### **Član 3.** **(Svrha izvještavanja)**

- (1) Svrha Konsolidiranog godišnjeg izvještaja o sistemu finansijskog upravljanja i kontrole za 2023. godinu je informisanje Vijeća ministara Bosne i Hercegovine o procjeni stanja i napretku u oblasti finansijskog upravljanja i kontrole, praćenju primjene propisa iz oblasti finansijskog upravljanja i kontrole i predlaganje mjera za daljnje unapređivanje sistema finansijskog upravljanja i kontrole u institucijama Bosne i Hercegovine.
- (2) Poseban dio Konsolidiranog godišnjeg izvještaja o sistemu finansijskog upravljanja i kontrole za 2023. godinu je Izvještaj o realizaciji mjera iz Operativnog godišnjeg akcionog plana Strategije razvoja sistema internih finansijskih kontrola u institucijama Bosne i Hercegovine za 2023. godinu, kojim se Vijeće ministara Bosne i Hercegovine informiše o dinamici implementacije Strategije razvoja sistema internih finansijskih kontrola u institucijama Bosne i Hercegovine za 2020-2025. godina.

### **Član 4.** **(Način popunjavanja i dostavljanja Godišnjeg izvještaja)**

- (1) Institucije Bosne i Hercegovine obrazac Upitnika za samoprocjenu sistema finansijskog upravljanja i kontrole za 2023. godinu popunjavaju u Modulu za FUK u PIFC aplikaciji.
- (2) Pristup PIFC aplikaciji za popunjavanje obrasca Upitnika za samoprocjenu sistema finansijskog upravljanja i kontrole za 2023. godinu imaju zaposleni u institucijama Bosne i Hercegovine kojima su, u skladu sa zahtjevom rukovodilaca institucija, dodijeljeni pristupni podaci za PIFC aplikaciju.
- (3) Popunjen obrazac Upitnika za samoprocjenu sistema finansijskog upravljanja i kontrole za 2023. godinu preuzima se iz PIFC aplikacije, te potpisan i ovjeren od strane rukovodioca institucije dostavlja Centralnoj harmonizacijskoj jedinici Ministarstva finansija i trezora Bosne i Hercegovine.
- (4) Izuzetno od stava (2) i (3) ovog člana, a u slučaju da PIFC aplikacija ne bude u funkciji, obrazac Upitnika za samoprocjenu sistema finansijskog upravljanja i kontrole za 2023. godinu popunjavaće se u *word* verziji koja će biti dostupna na internet stranici Centralne harmonizacijske jedinice Ministarstva finansija i trezora Bosne i Hercegovine.

- (5) Centralna harmonizacijska jedinica Ministarstva finansija i trezora Bosne i Hercegovine će blagovremeno obavijestiti institucije Bosne i Hercegovine o načinu popunjavanja i dostavljanja godišnjih izvještaja o sistemu FUK-a za 2023. godinu.

**Član 5.**  
**(Odgovornost)**

- (1) Za tačnost podataka u Godišnjem izvještaju o sistemu finansijskog upravljanja i kontrole odgovoran je rukovodilac institucije u skladu sa članom 4. stav (2) Pravilnika o godišnjem izvještavanju o sistemu finansijskog upravljanja i kontrole u institucijama Bosne i Hercegovine.

**Član 6.**  
**(Objavljivanje)**

- (1) Obrazac Upitnika za samoprocjenu sistema finansijskog upravljanja i kontrole u institucijama Bosne i Hercegovine za 2023. godinu, zajedno sa Uputstvom za izradu Godišnjeg izvještaja za 2023. godinu, sastavni je dio ove Odluke i objavljuje se na internet stranici Ministarstva finansija i trezora Bosne i Hercegovine u dijelu koji se odnosi na Centralnu harmonizacijsku jedinicu Ministarstva finansija i trezora Bosne i Hercegovine [www.mft.gov.ba](http://www.mft.gov.ba).
- (2) Centralna harmonizacijska jedinica Ministarstva finansija i trezora Bosne i Hercegovine posebnim će aktom obavijestiti institucije Bosne i Hercegovine o donošenju i objavljivanju ove odluke.

**Član 7.**  
**(Stupanje na snagu Odluke)**

Ova odluka stupa na snagu danom donošenja.

**DIREKTOR**

**Mr Vladimir Stanimirović, s.r.**

Dostaviti:

- Internet stranica CHJ MFiT BiH
- a/a